



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

8. De Concessione præbendæ & Ecclesiæ non vacantis

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

scripto pertinet ad Episcopum mittere in possessionem beneficii litigiosi. *c. 28. de Prab. in 6. ad Decanum, dum canonicus est installandus. c. 7. de concess. prab.* 3. Quomodo fieri debet missio in possessionem, attendenda est consuetudo, pro varietate locorum varia; id tamen arg. *Trid. Sess. 25. c. 9. §. patroni autem. de ref.* Patronos & Dominos territoriorum sibi arrogari non posse jus installandi Parochos, etiam in temporalibus tantum. 4. Possessio beneficii non tantum per Procuratorem, saltem si habeat speciale mandatum, acquiri potest, ut praxis habet, sed in eadem investiturâ, quâ beneficiorum & dignitatum possessio acquiritur, venit quoque possessio rerum & jurium ad ea pertinentium. Ratio, quia connexa sunt principali. Vide *Schmalzger. h. n. 57. & n. 59.* quo agit de effectu missionis in possessionem beneficii.

TITULUS VIII.

De Concessione Præbendæ & Ecclesiæ non vacantis.

Q 1. *Concessio Præbendæ quid sit, & hæc quando, aut quot modis vacare dicatur? Resp. ad 1.* Juxta dicta ad *Tit. de Prab.* Concessio Præbendæ est libera collatio beneficii absque alterius præsentatione aut nominatione, & differt ab institutione, de quâ *in tit. priori.*

Resp.

Resp. ad 2. Præbenda sive beneficium vacare dicitur, dum caret vel proprietario, vel possessore, vel utroque simul. *L. 5. §. fin. ad Leg. Jul. de vi publ. & L. 22. §. 1. ff. de usu & habit.*

Resp. ad 3. Vacare tripliciter potest Præbenda vel Ecclesia, de facto tantum, de jure tantum de facto & jure simul. *De facto tantum* vel *quoad possessionem vacat*, ubi quidem aliquis habet titulum Canonicum beneficii, sive jus in eo, possessionem tamen illius nec ipse, nec quisquam alius habet, exempla adducit *Leur. h. t. Q. 54. n. 2.* *Vacare de jure tantum*, sive *quoad titulum & proprietatem tantum* dicitur beneficium, dum quis possidet quidem beneficium, sed absque eo, quod vel ipse, vel alius titulum ejus, seu jus in eo habeat. *De facto & de jure simul* vacat, dum neque ejus titulus, neque possessio est penes aliquem. Exempla utriusque *Vide l. cit. n. 2 & 3.* Hæc ultima beneficii vacatio variis modis potest contingere vel *per mortem naturalem* (per quam ut vacet beneficium, plura requiruntur. *Leur. For. benef. p. 2. à q. 26.*) vel *per Civilem*; quò reducitur vacatio *per renuntiationem tacitam aut expressam*, *per privationem juris & hominis.* *Vide eund. For. benef. p. 3. à q. 36. ad 61. imò ad 161. & 234.*

Q. 2. Quomodo vacare debeat beneficium, ut alteri conferri possit? Resp. 1. In genere Beneficium necdum vacans conferri non posse, imò collationem talis beneficii ipso jure esse nullam, patet ex *c. 2. & 7. h. t. c. 4. de donat. In c. 1. h. t.*

& c. 7. eod. habentur pœnæ in eos, qui se scienter passi sunt in beneficio non vacante institui, quas tamen dispositiones Papa non teneretur, vellet cuiquam de beneficio vacaturo providere. Ratio clara est. Imò beneficia necdum vacant ab habente potestatem uniendi incorporari possunt Monasterio, Laym. in c. consultationibus. 4. donat. n. 1.

Resp. 2. Ad hoc, ut conferri possit beneficium debet regulariter *de jure & facto simul* vacare; nec sufficit, si vacet *de facto tantum*; quia revera tale beneficium non vacat, & absque injuria alteri nequit impetrari. c. 17. de prob. in. 6.

Resp. 3. Sufficit vacatio beneficii *de jure tantum*, ad hoc ut illud conferri possit, si impetrans in sua supplicatione nominatim exprimat modum, quo beneficium vacat, ne impetratio sit nulla. c. 6. h. t. Deinde si, antequam conferatur tale beneficium, prius possessor ille evertatur, & præcedente summaria cognitione color possessionis cassetur; titulo verbò colorato deficiente neutrum ex prædictis requiritur. Schmalz. h. t. n. 14. Quanto tempore vacare possint maxima Ecclesiarum Cathedralium & Regularium Dignitates, scil. solum per trimestre, habetur c. 42. de elect. de inferioribus, quòd ad semestrem c. 2. §. cum autem h. t. Beneficia alia libera collationis per 6. menses vacare possunt c. 2. cit. Beneficia juris Patronatus laicalis intra 4. Ecclesiasticis

fici intra 6. menses conferri debent. c. 22. & 27.
de jure Patron.

Q. 3. An non promitti possit beneficium non-
dum vacans? Resp. 1. Neg. c. 2. 3. & 13. h. t.
etiamsi promissio data fuerit in scriptis, quia
actus nullus reg. non redditur validus per
scripturam; vel etiamsi accesserit juramentum,
quia hoc foret contra bonum commune, &
bonos mores.

Resp. 2. Prohibita etiam est promissio de be-
neficio aliquo vacaturo in genere, sub hac v. g.
verborum formula: *conferam, cum potuero, vel
cum occasio se obtulerit.* habetur in c. 2. h. t. in 6.
per quod correctum est jus vetus. c. 14. h. t. quo
licebat. Potest tamen Episcopus suo Vicario Ge-
nerali delegare facultatem conferendi omnia be-
neficia vacatura. c. fin. de off. Vicar. in 6. uti & pa-
tronus amico jus præsentandi ad beneficia, quæ
vacabunt.

Resp. 3. *Gratia expectativa*, quæ sunt literæ
Apostolicæ, in quibus mandatur locorum Or-
dinariis, huic vel illi Clerico provideri de bene-
ficio vacaturo: & *Reservationes mentales*, dum
Papa reservabat beneficium vel in genere vel in
specie per Bullam aut Breve, ut personæ gratæ
provideret, quam non exprimebat, sed retine-
bat mente, modò sunt sublata tum per Concord.
German. tum per Trid. Sess. 24. c. 19. sess. 25. c. 7.
de ref. quæ tamen Trid. dispositio absolutè Pa-
pam non ligat. Imo non obstantibus dictis de
expectativis possunt recipi Canonici supernume-
rarii

rarii cum expectatione futuræ præbendæ. c. 3.
12. 19. de Præb. c. 8. h. t.. Ratio, quia talis Canonicus Præbendam expectaret ex dispositione juris, seu vi connexionis, quam habet Canon cum præbenda, is verò, qui gratiam expectandam habet, vi promissionis.

TITULUS IX.

Ne Sede vacante aliquid innovetur.

Q. 1. Quomodo Rubrica hujus tituli combinanda sit cum illa juris regula, quòd ad Capitulum Sede vacante transeat jurisdictio Episcopi, ut habetur in c. 11. & 14. de Majorit. Resp. Engel, Schmalzgr. & AA. communiter ajunt, illa quæ competunt Episcopo jure ordinario & tantquam Episcopo, censi omnia Sede vacante Capitulo esse permiffa; adeoque in his obtinetur regulam ex cit. cap. defumptam; illa verò censi negata Capitulo Sede vacante, quæ competunt Episcopo jure speciali, ex privilegio, commissione, vel ut Sedis Apostolicæ delegati, adeoque in istis casibus subintrare rubr. hujus. Ubi & illud notandum, intelligi hic per *Sedem vacantem* non Ecclesiam modò Cathedralè vel Collegiatam, sed etiam Regularem Capitulum habentem suo Antistite destitutam; quod fieri potest dupliciter, vel verè, quando Ecclesia nullum habet Prælatum; vel interpretativè, quando quidem habet Prælatum, sed suspensum, excom-

muni.